

Landesbibliothek Oldenburg

Digitalisierung von Drucken

Die Chronica Jeuerensis

Springer, Eilerdt

Jever, 1896

Titelblatt

urn:nbn:de:gbv:45:1-4358

CRONICA JEUERENSIS.

GESCHREUEN THO VAREL DORCH EILERDT SPRINGER

ANNO 1592.



Anno domini Dusent einhundert vnnnd — 48 Starff ein Rike Mann, gehetenn Wange, tho der begreffenisse werenn de Rustringer vnnnd Eddele Jungelinge, De eine vth Wangerlandt, Redwert gehetenn, de Ander vth Ostringer, Hildert gehetenn, de speledenn mit einander, darna sloch Redwert vth Wangerlandt, Hildert vann Ostringern Dodt mit einen Gleuing, Welcker wart tho Sillenstede begrauenn. Derhaluenn sendenn sine Frunde tho eme etlike badenn, vnnnd leten vordern vmme denn Dodenn Hals tho geldende vann denn dodtsleger.

Vann dussenn badenn slogenn de Wangers Achte dodt, vnnnd den Andern nemen se de Kleder, vnnnd entquemen ene.

Vth disser orsake sint de Ostringers getagenn Inn Wangerlandt mit gewalt, vnnnd hebbenn dat Landt berouet, vnnnd dar wordenn — 55 dodt geslagen.

Do hebbenn de Wangers dem gantzenn Freslande, Also den Ostfreslande sehr geklaget ere Wehe modicheit, vnnnd hulpe vann eme begert, Darup beradtslatedenn sick de gantze gemene, vnnnd betaledenn denn dodenn Hals, Auerst se kregenn nicht wedder wat eme de Ostringers affgeslagenn vnnnd gerouet haddenn, vnnnd sint darauer ock nicht vorsonet, Derwegen hebbenn sick de Wangers tho den Harlingers gegeuenn.